



Sakspapir

Sakshandsamar	Arkiv	ArkivsakID
Signe Råheim		19/190

Saksnr	Utval	Type	Dato
028/19	Kommunestyret	PS	23.04.2019

Søknad skjenkeløyve Jostein Husa

Vedlegg:

E-post med stadfesting om at du søker skjenkeløyve frå 24.04.2019

Stadfesting

Uttale frå politiet

Uttale frå sosialtenesta

Opplysningar frå Pernillekafeen

Skjenkebevilling (L)(71785)

Saksutgreiing:

Bakgrunn

Pernillekafeen DA v/Trond Ågotnes har stadfesta med e-post og via telefonsamtale at dei leverer inn Pernillekafeen DA sitt skjenkeløyve frå og med 24.april 2019. Dette for at Jostein Husa skal kunne søkje om skjenkeløyvet for perioden frå 24.04. til og med 04.08.2019. Det er sendt e-post om at Jostein Husa søker på nytt om skjenkeløyve, då kommunen allereie har søknad frå Jostein Husa. Sakshandsamar vil leggje denne e-posten og den tidlegare søknaden til grunn for dette saksframlegget, då det var sakshandsamar som hadde gjort feil med førre saksframlegg.

Jostein Husa har søkt om skjenkeløyve som gjeld både innomhus og utomhus frå 24.04. til og med 04.08.2019. Skjenketidene er de same som opningstidene. Måndag til og med torsdag og søndag er det søkt om frå kl.12.00 til kl.22.00. Fredag og laurdag er det søkt om frå kl.12.00 til kl.24.00. Det er søkt om alkoholgruppe I, II og III. Skjenketid for alkoholgruppe III er frå kl.13.00 til kl.24.00 alle dagar.

Viser elles til Rusplan – alkoholpolitiske retningslinjer for Fedje kommune K-sak 033/16 som avgrensar mogleg skjenketider.

Vurdering

Styrar har bestått kunnskapsprøven i alkohol. Søknaden har vore lagd for politiet og sosialtenesta til uttale. Uttalane er lagd ved som vedlegg saman med e-postane frå Jostein Husa og Pernillekafeen DA v/ Trond Ågotnes.

Krav til internkontrollsystem: Det følgjer av Alkohollova §§ 3-9 og 4-7 at kvar skjenkestad har eit sjølvstendig ansvar for at løyvet vert utført i samsvar med alkohollova sitt føremål og avgjersler.

Ved vurdering av søknader, kan kommunen leggje vekt på antal skjenkestader, staden sin karakter, staden der kafeen ligg, målgruppe, trafikk og ordensmessige forhold. Det kan også leggjast vekt på næringspolitiske omsyn og til lokalmiljøet for øvrig.

Det har vore kafedrift i dette bygget i fleire perioder. Drift av denne kafeen vil vere eit av fleire tilbod



Fedje kommune

til turistane som kjem til Fedje i turistsesognen. Viss det kjem like mange turistar til Fedje i år som i fjord treng ein fleire serveringsstadar turistane kan vitja. Jostein Husa er kjent for å bruke lokale råvarar frå naturen. Dette er ei trend i tida og kan vere eit alternativ til dei andre serveringsstadane.

Kafeen ligg i eit område med bustader for fastbuande og feriehus. Dei nye skjenketidene er kortare enn dei gamle skjenketidene. Det er søkt om både inne- og uteservering. Serveringstidene for måndag – torsdag og søndag sluttar før kl.22.30. Ifølgje ruspolitisk handlingsplan som kommunestyre vedtok i 2016 er kl.22.30 satt som sluttidspunkt for uteservering av alkohol under 22%. Derfor vert det tilrådd at tida for uteservering vert sett til kl.22.30 på fredag og laurdag.

Det er ein del trafikk av bilar til og frå butikken som ligg på nedsida av vegen med parkeringsplass, og det er trafikk til og frå bustadhus. Kafedrifta kan føre til litt auke i trafikken.

Etter ei samla vurdering til relevante omsyn, vert det tilrådd å gje skjenkeløyve til Jostein Husa med dei skjenketidene det er søkt om. Det vert tilrådd at uteserveringa av alkohol under 22% stoppar kl.22.30 på fredag og laurdag.

Folkehelse fleire skjenkestadar vil kunne føre til auka alkoholkonsum, men ein skjenkestad kan også vere ein sosial samlingsplass for folk. Det å ha stadar der folk kan møtast og trivast i lag er viktigare enn litt auka alkoholkonsum.

Miljø ikkje relevant.

Økonomi ikkje relevant.

Konklusjon

Det vert tilrådd å gje skjenkeløyve med følgjande tider:

For alkoholgruppe I og II måndag – torsdag kl.12.00 – kl.22.00, fredag og laurdag kl.12.00 – kl.24.00 og søndag kl.12.00 – kl.22.00.

For alkoholgruppe III inne vert måndag – torsdag og søndag kl.13.00 – kl.22.00, fredag og laurdag kl.13.00 – kl.24.00.

Skjenketida for alkohol under 22% utandørs vert set til kl.22.30 fredag og laurdag.

Det er eit krav at skjenkestaden må ha fast meny eller á la carte.

Forslag til vedtak:

Jostein Husa får skjenkeløyve i Pernillekafeen DA frå 24.04. – 04.08.2019 med skjenketid for all alkoholholdig drikk inne for gruppe I og II måndag – torsdag og søndag kl.12.00 – kl.22.00 og fredag – laurdag kl.12.00 – kl.24.00.

For alkoholgruppe III vert skjenketida inne måndag – torsdag og søndag kl.13.00 – kl.22.00 og fredag – laurdag kl.13.00 – kl.24.00.

Skjenketida for alkohol under 22% utandørs vert set til kl.22.30 fredag og laurdag.



Fedje kommune

Det er også eit krav om at skjenkestaden skal ha fast meny eller á la carte.

Løyvet gjeld frå 24.04.2019. Styrar for løyvet er Jostein Husa og avløysar er Marta Husa.

Skjenkeløyvet til Pernillekafeen DA vert inndrege frå og med 24.04.2019.

Kommunestyret - 028/19

K - behandling:

Felles endringsframlegg: Kommunestyret gjorde nokre endringar i teksten til rådmannen, for å klargjere skjenketidene.

Endringsframlegg frå Stian Herøy (Høgre):

4. avsnitt vert endra til: Løyvet gjeld frå 24.04.2019. Styrar for løyvet er Jostein Husa. Kommunen fråviker krav om avløysar i tråd med alkoholova § 1-7 c på grunn av skjenkestaden sin storleik og lengden på løyvet.

Det vart røysta først over rådmannen stt framlegg til vedtak. Framlegget falt med 0 mot 14 røyster.

Det vart så røysta over Herøy sitt endringsframlegg ti vedtak. Framlegget vart vedteke med 13 mot 1 røyst. Tove Nordseth (Krf) røysta mot framlegget.

K - vedtak:

Jostein Husa får skjenkeløyve i Pernillekafeen DA frå 24.04. – 04.08.2019 med skjenketid for all alkoholholdig drikk inne og utandørs for gruppe I og II måndag – torsdag og søndag kl.12.00 – kl.22.00 og fredag – laurdag kl.12.00 – kl.24.00, utanom at skjenketida for alkohol under 22% utandørs vert set til kl.22.30 fredag og laurdag.

For alkoholgruppe III vert skjenketida inne måndag – torsdag og søndag kl.13.00 – kl.22.00 og fredag – laurdag kl.13.00 – kl.24.00.

Det er også eit krav om at skjenkestaden skal ha fast meny eller á la carte.

Løyvet gjeld frå 24.04.2019. Styrar for løyvet er Jostein Husa. Løyvet gjeld frå 24.04.2019. Styrar for løyvet er Jostein Husa. Kommunen fråviker krav om avløysar i tråd med alkoholova § 1-7 c på grunn av skjenkestaden sin storleik og lengden på løyvet.

Skjenkeløyvet til Pernillekafeen DA vert inndrege frå og med 24.04.2019.